

AKASHVANI AIZAWL
REGIONAL NEWS UNIT



CM

Chief Minister Pu Lalduhoma'n vawiin khan a pisa ah Pu KK Pathak, Special Secretary & Member, Task Force on Deregulation and Reduction of Compliances Burden a kawm.

Chief Minister hian Pu KK Pathak leh a thawhpuite chu lo lawmin, an hmalakna chuan India ram leh Mizoram tan rah tha a thlen a beisei thu a lo hrihlh a. awlsam zawka sawrkar a kal theih nana an hmalakna tlangpuite lo hrihlhin, kal dan tha zawk a awm thurawn an dawng thei reng tih a sawi bawk.

Pu KK Pathak hian nimin lama Mizoram Chief Secretary nena an inkawmna leh Mizoram kalphung an zir dan te Chief Minister hnenah hian a thlen a. Mizoram sawrkar hmalakna chu a tha thawkhat hle a, amah erawh chu dan paih thawl ngai tur dang pawh a la awm nual thu sawiin India ramah Micro Small & Medium Enterprises bultanna leh hmasawn zelna tur remchang tam se a duh thu sawiin MSME hmasawna lamah thenawm ram aiin an chak lo deuh an ti a, ram economy chawikan nan MSME chu chak zawka kaltir an duh tih an sawi bawk..

Inkawmna ah hian Building Law awlsam zawk leh hmasawna hnathawh dawn a Forest Clearance awlsam zawka neih a nih theih dan tur te pawh an sawidun a, He Task Force hi sawrkar laipuiin MSME te tana Awlsam zawka sawrkar kaltir dan zawng tura a din a ni a. Cabinet Secretary chu Chairman niin central leh state sawrkar kalphung siam that ngai te zira a tul anga insiamrem dan tur rawt tu an ni.

(DIPR)



LR&S MINISTER

Land, Revenue & Settlement Minister Pu B Lalchhanzova'n Bhubaneswar-a neih 'Green Climate Fund Readiness and preparatory Support Regional Workshop' a hmanpui.

Green Climate Fund Readiness & Preparatory Support Phase III workshop hi Odisha Khawpui Bhubaneswar-a Hotel Fortune Park Shishmo-ah Indian Institute of Forest Management (IIFM) in a buatsaih a, Minister Pu B Lalchhanzova hian khuallian nia hmanpuiin khawvel sik leh sa inthlakin ram thang mekte a nghawng nasa hle tih a sawi a, Mizoram pawh kawng hrang hranga a nghawng thu sawiin a do let dan tur leh a dawnsawn dan lo zirthiama hma lo lak dan tur atan UNDP hnuaia GCF hman dan tur zirchianna hun siam a ni chu lawmawm a tih thu a sawi a, India hmarchhak state te tan emaw Mizoram tan bik emaw hetiang inrawnkhawmna leh in zirtirna hun hi neih a nih ve theih nan Ministry of Environment, Forest and Climate Change leh IIFM hotute chu a ngen nghal bawk a ni.

He Workshop-ah hian Odisha, Chhattisgarh, Jharkhand, Bihar, West Bengal leh Mizoram atangin sorkar department hrang hrang officials bakah NGO eng emaw zat an tel a, IIFM Director Dr K Ravichandran chu Workshop uaptu a ni bawk a ni.



MSU

Mizo Students' Union (MSU) General Headquarters hruiatute chuan nimin khan Chief Minister Pu Lalduhoma chu a pisaah hmuin an ngaihpawimawh zawng thil hrang hrang an sawipui.

MSU hruaitute hian Mizoram Public Service Commission (MPSC) hnuai hna hrang hrang lak mekte leh la lak chhonzawm zel turte chak taka lak a nih theih nan Chief Minister hi an ngen a, Chief Minister chuan MSU te thu thlen hi pawimawh a tiin theih tawpa hmalak pui a tum thu a sawi a. District hrang hrang Exam Centre siam tul an tih thute an thlen bawh a ni.

MSU hruaitute hian Department-hrang hranga hna lak mek leh la lak turte chu Dan anga dik leh felfai taka la zel tur leh Dan lova hna a luh tum an awm a nih pawhin huaisen taka hnawl ngam turin an ngen a, Chief Minister chuan tun hnaiah Department hrang hrangah Dan hrul deuha hnathawk tam takten an thawh rei tak avanga nghet mai tura an inngaih avanga Dan ni lova ngheh phut an awm thin chu tha lo a tih thu MSU-hruaitute hi lo hrilhin, MSU pawhin sorkar huaisen taka a kal ngam chu a thlawp tlat a, Dan ang thlap zela kal chhonzawm zel turin an ngen nghal bawh a ni.

(PR)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.



PM MODI

Prime Minister Narendra Modi chuan vawiin hian Varanasi parliamentary constituency a tlawh dawn a, cheng vaibelchhe 2200 vel seng a hmasawna hrang hrang te hawngin lungphum a phum dawn a ni.

Loneitute hamthatna atana siam PM- KISAN installment 20-na a ti chhuak dawn a, ram puma loneitu nuai 9 leh sing7 chuang te chu an bank account ah cheng vaivelchhe 20500 chuang thun a ni ang. Varanasi-a inkalpawhna pawimawh te siamthatna tur project lungphum a phum bawh dawn a, heng bakah hian hmasawna tur kawng hrang hrang lungphum a phum dawn a ni.

(NewsonAIR)



PRESIDENT

President Droupadi Murmu chuan ni 2 chamin Jharkhand a tlawh a vawiin hian Indian Institute of Technology - Indian School of Mines (IIT-ISM Dhanbad) convocation vawi 45 na a hmanpui dawn.

President hian hnam hnuaihngung zawk hmeichhia ten exhibition an siam a en pui dawn a, he convocation ah hian zirlai 20 te hnen ah Gold Medal a hlan dawn bawh a ni. He hun ah hian Union Education Minister Dharmendra Pradhan leh Jharkhand-a Higher Education Minister Sudivya Kumar ten an tel pui dawn a ni.

(NewsonAIR)

